

田
間
詩
集

田間詩集卷第二十七

客隱集

戊辰

元旦晴過兗州口號

新年不暇薰椒觴逐伴驅車古道傍桑柘影中過魯國
輪蹄交處見周行天晴氣召陽春早風煙塵遠帝內長
笑與曾孫談往蹟阿翁人亦筭靈光

平原旅舍見壁上白氏女詩和韻

少名浣月字防蓮藍州人

地人所適非偶失意作詩書於任丘旅舍過客書此和者甚多

傷心不是怨仳離誰許庸兒妄回眉春夢可憐隨蚊蝶
啼痕空自濕胭脂慳前早紺同心結枕上私成薄命詩

信是文君能擇偶定情仔細聽琴時

德州道中雪朝作

漫漫銀海浩無垠滿地公車雜逸民未覺凝寒欺皂帽
且圖積素壓紅塵村墟向午人煙少岐路頻迷馬跡新
慚愧故園牆角外梅花柳色爲誰春

贈嶺南黎文連陳崑圃二孝廉

平生汗漫老難休喜共詞流足唱酬途倦祇應分韻遣

篇成多是草燔牧櫛孤馬革悲樞部

黎美周賦友延難處州君其族也

端水鵠行憶太丘

袁固尊公曾其事端州

四十餘年成異代又逢

二妙與同遊

都門送別查叟重還里兼訂皖社之遊
東南詞客聚金臺獨買舟隨樂令回侍令岳產外修病同燕市柳
新攀欲盡潞河春淺凍初開談深塔寺悲先志草先公
交長吟遍蠻鄉見爾才秋到皖江尋舊好可能一問白

頭來

京華春集

門人程松臯邀同朱晦人楊端木張奇亭王令詒查荊州夏重德尹聲山

陳叔毅衡凡夫孫惟似吳震一陳仲夔張弘達家闢濂從子歐舫集端木寓中分得春星

物象闢春氣天文爛帝畿日斜初照淡月黑轉晶輝祇
訶明河隱翻疑列宿稀極臨當北戶杓指向東屏農事
占晴雨方州驗穰穡芒隨時變動彗罷夜深飛野錯分

難定躉移度已非未能舍夙闋且合映魚殘燭暗增光
小簾疎逗影微可憐燈火散猶照白頭歸

仲春夜集徐立齋寓齋燈下看梅同朱錫鬯采

章金穀似令姪藝初諸子作

故人甘寂寞卜夜暫謀歡席但隨時設居於到處安觥
籌賓自認觴政老求寬爛漫燈前朵參差壁上觀氣和
書卷古香令酒盈寒幸與素心對誰言春事殘青編常
作伴白首好同看漏鼓催歸騎知君興未闌

徐健菴總憲席上有作

晚上分携又十年餘年還得聚樽前也知兄弟時多忌

且喜文章主獨憐馬上挾書聊寓目廝間假寐是安眠
看君早暮辛勤甚鬢髮無多總皓然

江村小搆未安居晚歲營家計益疏豈有暮齡勤遠道
荷頤清俸理征車交情能得幾知己心血難捐舊著書
筆下卽今寥落甚於君獨欵意何如

海內高賢盡在門先朝人剩老夫存怪予多難身偏健
嗟爾憂謾道益尊家法自來崇舊德世交今已及曾孫
同時屬望知多少瑣瑣予懷敢盡言

徐道積南還小詩述懷併東令伯果亭

高館淹留榻再移衰年相仗起居宜耽眠早勅司茶候

防歎爲調善馬騎已識量慳稀勸酒更憐才盡不追詩
東還安石應垂問莫道狂奴異昔時

贈徐宮允勝力

中允詞壇久燕臺客舊鄰揮毫看敏給應物足精神宦
達才逾老身勤髮早新別來十六載今剩幾同人
史才誰不讓經學況兼通過目書成誦銜盃論更雄交
惟敦素好階已上青宮舊物無多在推稱及老翁

題王子靜小影

與子靜別時君年纔二十到中州寄以長句云云頃再過燕

臺出示此圖猶予別後五年作也視予別時
已較捐蒼但輪轉眉目之間宛然可認況今
又復十年其甚有加則予老益可知矣回憶
青衿室上予以方外老翁貧文貞公踞榻縱

談譖謠間作公犬折然舉首請兄弟傾耳而聽笑猶前日事也西州再過誰無惜感因君歸

題用以
寄悅

表裏溫其玉不如整襟端坐過庭餘蕭然一榻無他嗜
祇有青箱舊讀書

官職勞勞早繫身尋山還念采芝人看房自是神仙侶
生長長安不染塵

道家求往舊無期輪汎開樽苦要詩今日爲君題小影
濡毫無復昔淋漓

已見元昆堪化權更看少弟入班聯謝公家食分行坐
同憶堂資十五年

宛平相公召集怡園述懷

名園屈曲幾年成綠樹陰樓滿院清客到早迷門內徑
儻前爲導洞中行巧堆頽石峰偏秀計轉寒泉澗有聲
半醉不知新月上高談爭讓老狂生

狂生夙昔平津客八十衰齡今又來野性受知捐禮法
先公忘分與追陪每因卽席常懷舊猶愛聽歌數舉盃
往日有詩吟似夢怪君家世特躋才

才華晚歲已全休漫憶當年足唱酬開閣動邀名士集
爲園喜及老親遊青山未許存黃綺皂帽於今幾白頭
剩有半生書卷在故人何計今長留

宛平公索題小影

相公下直人事稀踞石危坐林間扉窈然塵外發清機
對之和易神有威龐眉正黑蒼者微其人雖瘦天下肥
往昔汾湖亂相依公年十七背而顧顧盼奕奕騰光輝
俄頃星散南北飛分殊勢絕霄壤遼皂帽騎驥走帝畿
先公不忘舊布衣出詩見憶相歛欷坐談往事子姓園
惟時未老乞身歸公每退食侍庭闈縱我狂論無刺謔
今者重來事又非登堂有淚制不揮庭階樹色益芳菲
蒼苔碧草思春暉留侯學道爭先幾赤松同遊吾敢希
江村老翁何所祈解推豈救寒與飢海內清晏無人憇

餘年長坐釣魚磯

倪雲林木石圖

志致
索題

片石枯株點染疏青山一帶似吾廬北窗正好炎天臥
枕上看山不讀書

真定相公招飲奉酬

謝傅蒼生始不虛宣麻恰趁客來初天心祇覺遲回久
相業偏宜歷試餘曾荷朝班傳俚句也從賓閣雜華裾
衰年未改狂奴態唱和當場恐弗如

白頭懷刺久逡巡忽漫招尋笑語親撫架應添新典籍
留賓還是舊平津科名屆指存元老鬚髮同時殘故人

早奏治安無別望清江一曲穩漁綸

喜徐立齋復任御史大夫

賜環頤復舊簪裾中外謹膺命下初殿上班齊爭檢點
車前騎衆早芟除雙藤仍倚蕭條戶幕卷難拋筆削書
到日再瞻臺內柏五年霜後更何如

嚴冷那能與世宜風裁畢竟帝深知共驚天意殊難
料若論輿情已覺遲鶻卒早來呵道起吏人如舊上班
隨都堂豈是君家宅兄弟輪居事亦奇

架上圖書壓五車半年留寓鄰侯家窗昏輟卷纔邀飲
午倦偷閒一灌花史學日深經術貫宦情已倦聖恩加

默名外有無窮事好及顛毛尚未華

野老焉知仕宦榮朝廷舉錯也閑情權能操縱吾先覺
恩出尋常衆始驚執法漫勞增意氣振綱原不事紛更
臺端獨坐官邪倣我亦餘年樂太平

留別王廉一僉憲

春明聚首服官初建節南來訊字疎時有治聲傳佑舶
早聞銜恤返廬居叩門每值趨庭候倒屣多從視膳餘
特勅奚童專報客防教展齒往來虛

厭向天街避馬駝大夫門靜屢經過奉簾自識逢迎少
詰昔偏教感慨多堦下新添皆俊物樽前舊作會高歌

服除叱馭江南路遙指青山問薛蘿

大行徐章仲自雲南使回

輶輶覽遍日南奇萬里經年報命遲絕壁丹青爭入画
珠方花鳥悉登詩賦臣竊據繁華盡戎馬留屯士女悲
見說采風詢故老先朝遺事幾人知

集家燕江太史寓感念葆酚舍人卽席有作

吳越子姓東南繁至親乃是十房孫葺城舍人按宗派
再拜與我稱弟昆葺城諸錢才輩起君於舍人爲兒子
因循推分及老夫居然與君大阮齒感君古道不敢辭
天街來往無常期始夜召客飲我酒不見舍人心傷悲

舍人有僅名銀管燈前呼出面粧滿笙雅堂中夜宴遲
錦屏風後歌聲緩曾過城西間舊廬叩門草滿無人除
舍人後事吾不問惟問諸兒曾讀書

將出都過張宗伯夢教話別

禁城西出是君家客到門常聽暮鴉上直祇疑天欲曙
退朝多在日初斜應酬禮廢交難謝供奉思煩倦有華
稍喜庭階蘭數本偷閒秉燭夜看花

園林新闢倚巖阿自入春明客少過宿薛經時間戶掃
新篁計日出牕多每談宦興知衰甚其奈君恩獨眷何
我老江村高臥穩猶能相待訪漁蓑

過健菴碧山堂作

城西深巷碧山堂風物蕭疏憶故鄉點綴砌花增怪石
支排老樹暗回廊人因謝事願重少天爲投閒候早涼
鎮日把書通過目問君爭似應酬忙

尚書未老鬢毛新暫可園林息此身設榻每留高臥客
有房都住著書人廳更已幸趨朝少計日猶愁上直頻
公內日入南書房料是升時宣室召花溪漫憶理魚綸

都門喜贈劉豫東御史

江國琴聲接近鄰樽前賓客老偏親雲霄遠上追隨阻
車笠難逢問訊頻露白至今花縣湛霜清爭見柏臺新

平生著作勞垂憶昨夜纔聞話故人

先一夕御史與全客談及拙作

送龔舍五太史南還

南海飄然一鴈新通家此日倍情親官因分謗同時罷
典在論文獨任貧旅食艱難留老友歸裝蕭索助門人
憐君驛路秋天遠剝有清風爲酒塵

題高詹事江村草堂圖

江天煙樹有無間茅屋參差白晝閒只合圓時展玩
鑑湖那許乞身還

老去經營一釣磯羨他松竹鎖柴扉漫嗟永叔空思穎
但是能思世亦稀

題菜香圖

大官珍饌日分嘗舌本偏知菜甲香
荷鎧提筐綠底事親穀親摘味尤長

題徐藝初清夏讀書圖

長夏軒轎面面開撫牋吟就興初來竹閣三徑尋常埽
酒伴招尋日幾回

捲幔蕭然一物無階前閒煞兩奚奴爐煙不起松風細似是烹茶翁老夫

朱竹垞六十初度

先朝英妙邈難攀洛社今時共一班把臂參差咸藉裏

論交先後紀羣間功名祇算逢場戲著述偏乘解任閒
角巾舊居吾認得扁舟澤畔待君還

題竹垞雪中駢背圖

凌兢策蹇向山隈席帽紅衫雪裏來望去林巒通一白
画圖不用更尋梅

留別汪武曹

一窗聯客榻半載滯孤蹤酒令天炎減燈花夜雨穠新
聞頻踴躍大醉益謙恭屬草雞成寐常聽鄰寺鐘
書帷名士聚賓閣主人賢每夜聯盃酌經時課卷篇砌
花驚風換庭月見頻圓叫笑忘形處相思大可憐

甘蕉詩

魏憲公以季夏種蕉階前未一月枝葉扶疎居然成實遠擇層層每摘猶露一

一

濟公每晚手摘數瓣分子
嘗之作甘蕉詩索和四首

長夏風清暑未消南窗初見種芭蕉那知一月千霄上
玉露從天不待邀

儘着西風曉夜催偏能結實在霜臺堂櫈飄遍天廚味
退食還承露一盃

秋聲夜向客窗聞玉液初沾齒頰芬道是天漿能益壽
朝朝題詩與平分

蓮塘暫宿向曉傾金盤掌上漫勢擎老夫未有相如渴
吟解裏陽昨夜醒

臨發聞家仲扶至不得晤書懷

燕臺別去鴈行疎
鄂渚纓通漢口書
捧檄苦羈千里外
登朝已後一年餘
是年考選後至失期
爲期大被常虛榻
見說衝聖甫下車
我已趨程爭逐伴
春明回首漫躊躇

出彰義門

春明門上漲天塵
亞相塵中送故人
揖罷登車猶佇立
近前珍重語頻頻

衰年逐伴別燕臺
豆有長亭酒一盃
門下受恩人一揖
翩翩二阮出城來

謂二方子

九日宿利國驛爲張仲子衡臣初度

令節征途去不休隔河且喜近徐州桑弧在道親闊念
萸酒爲觴客舍謀古驛飯香南國稻霸天衣冷故鄉秋
老夫合向今宵醉花甲先君已一週衛臣與予先後王子

謝庭子弟總翩翩見汝還思湯餅年爲喜向南霜亦煖
恰逢初度月新弦燈來敢擇行廚飯車動誰容憇枕眠
叢菊有花楓有葉同時寂寞路塵邊

贈劉伯頤

劉生年前壯豪氣應難除屢換長途馬惟乘半日車耽
眠噴鳳駕大嚼得河魚腹笥經書滿高談下店初

贈黃生

我客風塵久於今羨爾能物情隨地習世法逐年增減
飯朝資藥遙眠夜熄燈百凡勞耐得最苦是晨興

酬張炳公

鄉里情從客路親衣裘染盡軟紅塵同時結伴憐予老
長是前驅作主人

路旁石

一擊特秀當官道過客誰爲賞鑒人底事不同松竹伴
終年雜在馬牛廬

贈楊中美道臺

使君駐節古鍾離極日雲山馬去遲霧淨正當初日上

霜嚴多賴煖風吹鬱葱氣仗新朝謹清白聲從漢代貽
我逐征塵淮口過無由挽轡寄相思

送別楊中丞自皖移節之楚

杖鎮江城江正清又移旌節向南荆吏民懸切驚遷轉
吳楚情分見送迎天柱碑懸空淚點武昌櫂發有歌聲
北風不省人攀臥直趁雲帆上水行

餘年初謁戰門塵軍吏驚看皂帽新久識虛懷勤國士
何期破格禮遺民縱談今昔都無諱贈別文章祇任真
此去南樓風月好應知常念老詩人

贈別李屺瞻

聚首瀕江市維舟欲雪天淹留剛一月悵望又三年肯作歸山計難求買藥錢龍眠虛有約何處訪神仙

蹤跡何時定聞君新有廬尋師應就近得地且安居多病身曾健燒丹術恐疎湖南舟楫便難逐武陵漁鄂渚有疾

君方趨院幕吾正上燕臺遠道傳相念家書勑早回屢承當事問詎有可憐才老友虛推獎旌門爲我開

中丞誠好士忘分禮狂生刺字牙門怪談諧客座驚祇成官長美寧爲老夫榮古道今行少於中見爾情

贈陶廣文誕先

江邑多豪傑逢君興已闌潛身防薄俗屈首就儒官好

客腸仍熟開尊氣不寒故鄉時載光未覺酒錢難

將入吳寄姜奉世昆仲

倦遊頭白日今爲汗青趨每作吳門客偏親山左孤論
交前代事尚志古人徒卽有校讎役能邀一助無

寄俞犀月

俞生逃世客亦是依腸人壇坫爭推長風懷豈似貧酒
逢高會勇詩好老夫真早晚花谿上余到吳卽萬花谿休辭來

往頌

酬徐松之以百城煙水集見示

汲汲松陵叟吟壇與正長飢寒餘腹笥辛苦老名場勝

地搜難盡佳篇見不忘茫茫煙水願頭白爲誰忙

田間詩集卷第二十七

田間詩集卷第一十八

客隱集

己巳至庚午

夏五月夜泊聚寶門

欲投南郭宿稍趁晚風涼入港催收帆
穿橋早仆檣樹陰耶岸合燈影挂波長不見長干塔

昏紙自傷

六年不到此風物益凋殘隘纜添漁網
侵河蟹鴨閑稅嚴舟楫少並眠客商難老友復誰在
宵獨坐歎

潤州酬王太守不菴

京口湖平去鷺惟荷君念舊重遲回尋萬竹留賓住
不放孤篷日暮開白首論交先世久苦堂忘分吏人情

停車滿院清風起知是玄暉帶得來

會食分班坐儼然

文貞公家食班坐全音與焉

青箱再到感懷偏歷

官君已二千石作客余足十六年筋力未衰憐老友神情宛在憶先賢可知家世承清白合飲江心第一泉

過梁谿贈嵇爾遐

院上相逢病起新尊前片語覺情親交遊熟處疑君文字夸時怪我真幕府爭從官罷辟研田翻教宦餘貧平生知己恩難負每訴溟雲泣故人

梁谿者舊早相推頭白狂生冒暑來
僻迂從鄰叟問門閒閒爲野人開僅奴解車邀新浴老友聞招喜見陪

己命移舟東郭外禁城留鑰莫教催

吳門贈洪龍洲中丞初度

河門上謁及嘉辰千里歡騰慶祝頻
杆塢炊煙今漸滿閭閻俗尚半還淳山頭霧淨清風埽陌上青回
夜雨新自是政平多暇日時開賓閣禮遺民

東南開府鎮吳閒天下儲需仰此方國謀報成原有額朝廷蠲卹本非常民情最慶能無事吏道雖紛但舉綱側耳農歌聲徧野躋堂聊借爲稱觴

送梁藥亭庶常假回嶺南

木天新貴舊狂生乞假南還冒暑行客路漫愁梅嶺熟

歸帆應俟曲江清爲尋老友潛投刺怕見時流罕入城
屈指回朝春未暮故人書籍已初成

夏六月蔡九霞招同張夏重梁藥亭候藥亭不至有作

易代忠襄第雙扉處士廬招尋惟老友可論有殘書客
到炎蒸候門開灑埽初論交悲漢末序圖畫周餘遠寓
欣鄰近高朋悶舫居夏重舉家接於舟解衣辭心讓繫艇上階
除也識應酬苦猶憐禮法疎梁生遲未到酷日正驅車

山左蔡生索題小影

紅樹參差江上村新添沙觜長潮漲漁人爭把漁竿出

空掩沙邊草屋門

簾帽荷衣蹠石邊
怪他稚子捧青編
橫琴不奏松風好
借我山根作枕眠

吳江晚歸寓齋口號

吳江逢急雨昏黑獨行舟
牧馬歸都盡跡車聲已休
嬈嬈燈火樹黑認城樓
好趁盤門進婁門
豈尚留

寓花谿數過韓元少學士談謙是夕方虎至喜

其率爾成詩

古人稱勇退所重盛壯年聲名正赫奕而乃耽林泉我
觀韓學士抗志豈不然得假不肯出苦辭病未痊所居

瀕婁水門繁往來船家貧雅好客我至輒登筵往往序
齒坐媿居衆客先君無多軒楹疎豁堂西偏架上何所
有熟讀書數編庭前何所有錦覓色初鮮又復何所有
爲山石一卷自矜尊有酒勿問囊無錢客至量必佳觥
籌次第傳到我氣先奪寬政爲少箇所以聞君召欲赴
屢遷延今夕徐子至巾車一何道徐子我別久相見白
滿頭分手踰一紀歲月良可憐我老不足道子貌大非
前有詞不盡吐似以車未懸出處各有故豈盡處者賢
韓子上屢問林臥那得堅我亦望子出但出勿留連老
夫幸不死猶能待子還再飲韓子酒再值清秋天許我

醉紅裙此約勿更愆

花谿秋雨卽事寄道積

平生耽筆研終歲事討蒐卷帙忽已積散去誰爲留東海兄與弟自昔好闡幽大聲呼同人合力爲我謀同人亦踊躍致書南諸侯所以垂八十抱書來吳遊諸侯頗好士而我拙于求兩月寓花谿一刺不妄投閉門加芟定未敢倦卽休宵燈暎老眼與兒同校讎頭白不足惜汗青非自由常恐既始事厥功無以收起坐爲不寧行吟草徑周節候近重九雨雜風颺颺農人聽雨喜鶯人聽雨愁昨暮御纖綿今晨永敝裘僕僕語深夜所急衾

與獨還念西田莊未必視此優況有桂花開香氣滿林
浮吾生一何有所仗惟朋儕晚交徐叔子心許代我等
雖未卽周急且以寬我憂窮乏寧足計吾事在千秋

虎丘中秋前五日同汪異三唐鑄萬姜奉世作
勝友先期集祠前候日斜月惟知昔好山轉覺今華貴
及停鑾殿紅燈賣餅家眼昏遊女遇借閒可如花

答異三問五十年前事

伊昔先朝盛良宵兩度過石窓人占早月上客來多笛
尊通揚定山空一效歌分班輪喝采誰問夜如何

魏王厚章

早歲去鄉里柄柄老帝京賈文初遇主道幕始成名身
世一朝盡門間幾日樂春明分手日于汝最傷情

輓昌黎

出都聞始至相見已支離遠道嗟余老衰容爲爾危未能資藥餌淡悔失扶持有託言皆致當歸勸已遲計子游粵失計到人吳知祇憶窮途困寧堪易箦悲形骸累老友囊緯刺道詩病婦無聲泣孤兒失父瘦交惟營寄廡客或助朝炊音問寧都斷飢寒更仗誰

花篴寄師尊

秋到花谿令相期伴我居樹喧常過鼠溪涸自生魚往

退頓移疾淹留苦校書都門家訊至應問客何如

顚張穆之爲汪周士畫相馬圖歌

古來高士皆好馬杜陵有句工摸寫城隅晚涼看洗時
至今想見清風灑支公故是學道人偏愛神駿超凡塵
後代惟傳畫中馬世上那得真騏驥東莞張生擅絕技
尋常落筆皆匠意爲君畫作駒塵圖聊寓嘶風萬里志
謝氏寫真亦有師爲曾波臣弟子贊眉顧盼奕神姿注目草坡
看作勢坐待翻騰乍起時汪君一生山水福詩酒弟兄
事事足海內名宿徧知交每逢顚頽情尤篤知君好馬
如好賢不向天衢向草間草間自好龍爲友一上天衢

只等閒

注晉賢小影索題

神清秋水玉爲姿搖鈿拈毫屬有思卷軸不開琴不弄
閒階正好苦吟詩

潘括蒼廣文三十初度爲賦思河墅寫寄蜀藻
河墅近接西龍眠有翁擁鈿鬚皓然書籜酒琰不離手
況是西風紅葉天晚來少子心篤愛晨夕賴以安林泉
胡爲早歲服官職繫身吳下廣文居無屋
舉家飢待龍眠穀上官手版謁無時博士瘦羊苦不足
念翁與我詒氣淡常時埽榻留我宿盤中往往故鄉味

猶出山厨翁旨蓄九月晦日初度辰含悽遠憶河墅親
詩成案付門人寫歲儉肩爲諸孫輩此日酒門延賀客
此時置酒約比鄰屈指他鄉親戚羣遙知上坐老詞人

客潤州月華山道院登萬歲樓

月華嶺畔有丹丘與客凭闌萬歲樓北固山川朝暮見
南徐風物古今愁潮來海色連青野浪起江心指白頭
向晚茫茫何所見依微一墻是揚州

曉泊梁谿謁徐明府孝思

霜色初開古驛前梁谿霜壓萬家煙郵亭未覺居民擾
翠巒親知大令賢乘月甫消京口酒侵寒早問錫山泉

扁舟來去歌聲裏那得閒琴不繫船

土人菴長君吉初索贈

文質名德澤無窮又見諸雜五色同雅致總無華胄習
奇姿多出世家中每逢故舊情偏懸爲乞篇章速豈工
十七年前今太守也曾催索老詩翁

同孫亦厓夜集家宮聲宅

同人雅集禮堪刪老友追隨自一班得伴不辭開量飲
論文須趁罷官閒名成大半無生計病起經時有道頗
怪我八旬差健在可知老健賴凝頑

酬陶紫司見過

都門分手去心急爲寧親何意栖吳苑居然見棘人談
淡知有道對久覺傷神步屣無他往偏尋老逸民

韓慕廬席上酬狄立人孝廉

學士喜開尊老狂占坐炳大都仙作客又見玉爲人席
上詩書氣燈前冰雪神衰年無飲量不覺醉膠醇

虎丘弔蔡忠襄公祠

死節先朝盛疆場死更殊臨危還掣肘解任且捐軀國
事爭知去臣心本自孤往來祠廟近一過一長吁

同諸寓公守歲宋聲求宅上歸途口號

半年留滯客除夜故人家方味隨時備貧蓬取次即

怪蒙恕酒身。但宜茶勒馬。臨階上。頻驚火樹花。

吳門燈夕卽事

庚午

聞門燈。不見歸路與。蓬迎巷咽。邀紅粉街長過。綠棚漫空。妨月到列挂。礙車行。更說南巡日。遮天錦一城。

庚午初春姜泰世過同汪異三唐鑄萬往西山

看梅夜宿光福

昨日山有信。遠近花且徧。良約亦已久。茲晨欣始踐。如今三四人。臨行一已倦。鑄喜興倦不行小艇發胥門。逶迤繞芳甸。路指鄧尉村。處處花如霰。老樹臨溪流。亦或出深院。我從塵中來。疎枝已罕見。村人見者多謂此不足美幽。

芳本寂寞反爲俗所賤明晨入山中得毋眼苦眩

出光福遇雨憩道傍蘭若雨止上馬駕山飯香

題出菴晚登槎山小飲抵暮始回

侵晨雲不開相期其緩步我老命籃輿出街已微雨道

傍有精廬遊人早趨赴林際相招呼回車候雨住小憩

賈勇行肯惜霑衣屨遂上馬駕山茫茫一騁顧大地徧

芳菲不見所來路平如朝鳳鋪皓若夜雪曠老夫眼迷

離花海洵非譽此地舊稱花海下山飯僧廚談詩催我去槎山

去非遙片石聊可踞漫漫白無邊不知目所寓況復巖

壑殊高下同一素暢哉呼酒飲苦乏斟酌具花下有人

居假借助表起北杯飲成吟氣奪不能句與人頗解事

促歸日云暮

次日由虎山橋泛舟出銅坑沿湖看花望鷺漁
磯至熨斗柄雜舟小飲夜歸遇蔡九霞洞主

光福

山行觀已止客興猶未足今爲湖濱遊更圖飽所欲步
出虎山橋呼舟泛空漾銅坑甫出湖舟過香先馥同遊
怪舟遲紛紛起從陸而我獨不行蕩漾沿湖曲望見村
際花不見村中屋高下同繢紛遠近無斷續人行亦有
路總被花枝覆所以岸上人不獲舟與逐是日天氣佳

照耀湖光綠未把一杯酒且縱萬賓目停舟熨斗柄追尋來以促盛誇驚魚矚指我遙相囑更擬石壁行日落一何速明當補茲遊未敢辭僕僕回舟遇中郎相攜着

寺宿

次日遊玄墓迂道石壁午後過長折嶺到聖恩寺

早發石壁興暮回湖上舟今晨向玄墓迂道爲此遊石壁踞峰頂屹峙太湖險天生一片石削成牆四週壯哉具區波當門乃盡收亦有花滿山意不與花謀下山復踰嶺嶺路阻且修嶺上見楚宇丹堊空中浮其下花爲

田寺在花上頭山門古松樹蒼蒼自爲佛殿上沿
殿側老比丘遊女入花去爛熳花爲愁誰知紅粉委
此清芬幽僧室苔榦陳客意酒瓶求惜哉僧病酒對酒
不能醉鴉啼人去盡誰能獨久留

酬異三

吳會諭交地汪生亦罕儕不教時輩識惟共野人遊新
句篇篇穩春山處處搜往還爲設榻隨意卽淹留

酬范秋濤太史

濟門來往僻喜近素心居巷指先賢宅謂長白先生家藏歷
代書冷知交道重靜與世情疎置酒邀賓外常時祇閉

感

春遊雜詩

三月望後汪興三招同
姜奉世爲西山之遊

勝地昔淫祀嬉遊競此晨生涯停估販風俗壞人民一

自妖神撤

湯中丞殿
桑士偶湖中

空存野寺春數聲啼鳥寂寥首

憶中丞

上方寺
吳日上
方寺
事山下

穿橋趨水瀆轉棹隔橫塘港涸舟難讓村稀市益忙雨

聲遮酒店人語閉漁航到岸靈巖近鳴鐘在上方

雨宿木瀆

別山逾一紀步履較前難說法僧初去施錢客已闌古

泉仍汎濫高桂半凋殘爲取天平徑琴臺對面看

靈巖寺從

平山至士

天
例

山後取路

路自靈巖下同行伴莫分春深啼鳥急節至採茶勤遊
女去來謾督鐘遠近聞天平關上雨不到范家墳過天
嶺有石腳

支硎閒勝境言自趙凡夫爲舍僧徒住常熟士女趨故
山雖有慕幽徑已成衢千載稱高士誰知身世孤支硎
山趙

今室栖山日先朝全盛年僧藏居士影帖記買山錢謾
設池邊樹涓涓石上泉往來閑游女藉草綻高眠
忽有松間路停車杖可攀徑隨流水曲籬護古橋斜爛
漫風前蝶牕曉霧裏花庭梅陰滿院客到已全遮法螺
巷

華山饒法護吳下此招提樓曠僧新置殿虛佛別栖
春僧人望寺虛綿殷以待古碑深陷壁
殷四壁皆陷字碑亦新置也怪石漫鑄題
山下多奇石皆其上夾道松千樹清風客滿攜
華山

茲山名自古積石浩縱橫丈室容單住同遊挽袂行喜
無紅粉到還見白頭鶩欲問先賢墓無人識姓名
天不
郡志載錢公藻
墓邈不可見

自慶八旬叟能從二妙遊扶持危下嶺屈曲罷探幽臥
榻更相誕籃輿不自謀慙余詩思澀無以謝林丘

顧迂客俠君昆仲邀同周子潔朱望子諸君依

名園高會歷年開曾失佳期此特來

甲子夏五月見邀未赴

序齒

俱爲前代名論文欣把故人杯肩隨周仲移時認坐僭

朱游半日猜兩姓弟兄存二子

周子佩朱雲

餘生留得

共追陪

得宋旣庭廣文去年所寄書

江上分帆別丁卯秋別于江陰吳門訊杳然那期經歲字翻自

故山傳經學存愚見文章進老年解人那可得還是舊

名賢

客吳門聞冀千谷歎于白下愴今憶昔率爾述

懷不自知其言之長也

於惟端毅公風流海內被吾兄名父子家聲固或墜合
門仗一身如何中道棄曾未二十年遂哭君兩世憶昔
壬子久落孫走燕市宗伯交未深望門投以刺其夜徐
方虎持我詩出謁宗伯乍覽之欣賞發長喟安得斯人
來斯文足鼓吹有言適在都公門必已至急索門籍觀
居然見名氏門吏受人指沮令勿登記詰日命吾兄冒
寒叩蕭寺邀我就榻前深談慰渴恩酬公詩四章循環
手不置持入示諸姬謂悉平生志須臾沮者來相見大
驚憐我故與訛諧頗寓溫嚮智留我東閣居不問記室
事佳篇荷下詢直言了無避傾耳爲沉吟良久嘆曰是

虛懷如有失迺謂吾姑俟以此日聚首唱和無一字犯
我一卷詩疾病無時離臨歿竟以殉僅暨習所著公病
久不出外廷微有議便思請告歸苦爲臣妾累服日與
談經爲晰係遜義公志本勇決毅然辭高位疏上病益
危乃遣宵人署以此爲誤公圖獻公子婚惟兄達大體
始兄兄轉惠穀陽豎者流安足當一許公起聞許歸曠
懷今始遂漸欲遠佞人默諭左右侍行樂未及旬溘然
趺坐逝恩禮全始終舉朝爭歎異可憐上卿家身後一
無備冗馬徧廸都逢人爲涕泗喪祭隨具舉盡出交親
欷嘆更與門生一一親含襚兄子方南還誰與共勞瘁

此事何足言而兄心則識兄初職司空上知饒心計特
假楚疆節南北驛兼治鄂渚貽我書插揚日夕遲知我
好靜言芻蕘庶有裨我性本疎狂所至動遭基門內同
一家不知謗所自我耳若不聞兄聞大駭異謂此先子
友非與賓客類彼固無所需有需敢告懼我聞兄斯語
已勝解擅惠久思湖南遊壯遊良不易同舟過洞庭岳
麓再霑醉有詩三十首壹皆兄所賜甫返武昌舟早策
都門騎聞兄遭誣訐未審誰者崇問訊不逢人但知廣
羅織方切友生憂詎信武昌潰軍書晝夜馳官賊同兒
戲傷哉譏讓餘復罹此顚躡幸無職守為奉母脫危地

舉家踉蹌奔皇問箋與笥以是鳴蕭然空舟如客游
薄機陽過吾兒候江漢念我家特貪曾不少供餼其湫
我遐里何當執手慰亹亹尺素書遠自潯陽致上言嘶
水祠磨碑待君誌端毅名蹟多蒐羅恐時費我惟紀所
知似得昔人意會有汗青役入吳自編文成播吳門
郵絕何從示已開楚案清金陵駕且稅吾事行且畢旦
夕可把臂詎期凶問傳令我驚以悸人生天地間去來
必有爲如何英與華乍吐旋已闔觀子政事才豈非今
能吏精神靡不周盤錯見利器門豈無雜賓所親必正
士昔賢好客風至今微未替世不見宗伯見君庶其似

所以江漢間益深往哲企繼述本孝思人徒仰俠氣仕
宦曾幾時困頓旋以斃已志既未伸後必昌而熾兒孫
接踵起況有弟也稱我雖八十翁及見箕裘嗣撫棺欲
一勸金斗遠莫跂古人戒越疆徇由筋力敝遙遙述此
懷俯仰無窮淚

棟亭詩織造曹子清索題

丹山有文鳥其鳴于高岡梧桐得所栖棟實以爲棟棟
實味良苦不充腥穢腸食之志高潔超然千仞翔昔賢
典袞職繡黻昭天章杼柚盡樂業筐篚勤翰將愛茲嘉
樹名堅苦適其常手植庭階前聊以表清芳德澤被南

服仁風至今揚哲嗣紹厥美文藻何煌煌重肩先公任
感物情內傷昔爲數寸萌今已參天長授實咀且泣有
同允瞻嘗益凜牀前誨素絲節勿忘乃知五色雛其種
必鳳皇斯人本國瑞斯樹亦家祥枝條森官闈蔽芾徧
江鄉所以都人士賦頌相賡麗孝思既以著先德亦以
彰豈如南國詩徒美召公棠

送家禹銘入都

齊女門邊舟乍開春風逐伴上燕臺家聲共是錢王裔
世路爭需幕府才合室長饑惟客恃亡親未葬待遊回
同時好士人都去欲爲游揚書漫裁

荷花蕩講集酬徐大臨張日客金韶廷三子

六月荷花蕩吳中此勝遊籃輿遙野叟畫舫集詞流酒興同人勇名心一老休漫矜文字飲泉管沸鄰舟

月夜過太湖

湖水秋平浪不興茫茫昏黑一帆凌丹前忽計峰琪岸
桺後旋驚月早升近市無喧收客此山公村有港宿漁燈
遙憐書局人初靜此際銜杯客散留

莫釐峰

洞庭東峙莫釐峰絕頂還來八十翁嶺巒下窺青斷續
波光遠逗碧玲瓏詩才欲盡情難已眼力雖衰望未窮

自幸吳中山覽福登臨多是謝公同

同遊為徐健菴

同姜奉世訪徐昭法上沙

文靖死國難今且踰四紀孝廉終身哀遯跡絕城市人尋不可見只在此山裏旌麾屢到門堅厥門不啓束帛雖委委徒令草莽委所需賣盡錢衣食道在此四方饒贖求輔相賴賢子玉樹一朝摧筆墨復何恃違時本不祥嘉物況易毀勸君毋過傷爾我皆暮齒死者不可作生者事未已聞有遺腹兒拭淚且歡喜

自我入吳門營營事梨棗奄忽一年餘今晨事始了恰逢天氣佳急間入山道同行有妻子叩門前爲導手攜

魚尺長知是山中少烹魚佐青蔬脫粟同一飽山中豈無人如子特枯槁勿復話疇昔徒令傷懷抱門外久不窺門前委蔓草今茲送我出始見山色好此別不足惜所惜人俱老努力加餐飯作意辭煩惱百年無幾時孱軀且應保

花谿七夕同果亭作

一臥花谿兩度秋今年佳夕迥添愁鍼傳樓上穿應巧錦就天邊織未休東觀校書移遠岫綸屏去國阻扁舟棣華兩地遙相望我亦何情盼女神

酬西蜀唐鑄萬

舊山西
長子令

早聞吏蹟繼先臣君先公前令吳江自罷鳴琴廁逸民鄉國無
家長作客生涯有硯不言貧賣文屢破看山誤索醉惟
知訪舊頻癡絕損炊營廢圖一錢都付種花人

寄顧景范

東山書局集羣儒念爾身衰道未孤討論最詳前代事
精神多在脈方圓情于死友徵終始家與貧交共無
近說戎綱遭客毀同人早爲別賢愚

武塘哭魏子存回晚泊梵受菴感懷浪公因寄

同塵禪師見不得語

禪解水猿同旅船來往維舟日鵠湖領衆已非前法席

尋僧無復舊門徒青袍共事人皆盡白社同參道亦孤
遙指梵居欣在望未由親近漫招呼

重九日周介凡邀同從孫菽鬯飲齒怡閣閣在

虎丘山後

虎丘山後宴遊稀小院疎籬一徑微佛捨當窗聽蟬語
漁檣近岸挂魯歸僧謝受戒虛階坐閒算登高盡啓扉
正好巨觥看角量催人歸棹雨霏霏

蔡九霞同袁士旦見訪因邀過九霞齋頭小飲

寓僻秋聲早披帷一仲來爲憐孤館客邀把論文杯緩
步高齋近深談小雨催躊躇今始出猶可杖藜回

生輓醉死歌洪生丹霞索贈

吳下達人韓學士得人飲酒卽歡喜家貧無日不開尊
勸客不醉不肯止門下有客洪丹霞酒行觴政紛相委
丹霞司令令無頤于人常恕于己苛漏毒更請移燈照
條灑還教受罰多又好與人酣揖戰輸家得酒如卷波
自說夜深酒腸大已見燭下朱顏酡卽時醉死無不可
但要生前人輓我輓歌聽罷倒便眠劉郎有鉛何須荷
世上那肯埋醉人伯倫此願終相左不如中山買來千
日酒死去十日仍出土臨期攜酒上墳頭扶君起坐爲
君壽所苦十日之內墳未開學士獨坐空搔首

過陳山農言別不值

燕市過從日于今十九年故人無不老時事大非前母
節幽須闢方書序未傳相過不相值此別意茫然

吳門諸子餞別王氏歸田園

名園疑在小山阿萬客臨行始一過林壑百年松桂古
軒窗四面芰荷多令嚴監席央紅袖酒勇分班卷白波
醉後領巾爭乞向枯腸其奈玉人何

惠山秦氏園遇主人以新翁索詩

秦氏園林風物清最勝繞院引泉行平池森森來無際
曲礎淙淙去有聲遊女過橋恩避客主人窺竹早知名

眼前詩料如何寫好待谿窗枕上成

梁谿秦留仙邀同嵇爾遐秦吉生嚴蓀友飲集

故人勝集晚秋天高樹當門纜客船一帶園廬連澤畔

同時耆舊聚尊前名壇讌會悲先代

子癸未春與諸子集君家名皆宅上

仕路崎嶇怪早年園史澆牀花滿徑何須更枕惠山泉

過蕪闊以酒六瓶見阻報稅率成

新詩滿篋一帆回剩得吳閒酒六酷豈意過關須上稅

好風偏教滯江隈

一生觴詠在江湖客路朋尊不用沽今夜月明空對酒

官封官物得咎無

行年八十老煙波酒興還輸詩興多見說上闋詩料免
官家關稅豈爲苛

爲愛吳巾酒味醉後斟留待把杯頻早知涓滴皆官物
悔不傾尊醉榜人

弁過蘇關不放行因攜斗酒阻歸程多情轉怪韓元少
此是承君送酒情

勞在茲見過索詩爲其親壽

吳間西出一溪斜白板雙扉處士家合室生涯資筆墨
四時供給有煙霞春晴燈燭千門月雪重
卷之二十八
遙憶佳晨觴詠罷白頭扶醉杖憑擊